
■ GENEVRA

Clau Solèr è professor a la facultad filosofica

(cp) Cun l'emprim d'avrigl 2003 ha l'Universitad da Geneva nominà *Clau Solèr* da Lumbrein a Cuira professor a la facultad filosofica.

Sco successur dad *Iso Camartin* ha Clau Solèr cumenzà 1986 a Geneva cun in'incumbensa per lecziuns da duas uras l'emna.

Dapi 1999 è el engaschà a mez temp ed el instruescha lingua e litteratura rumantscha e s'occupescha spezialmain cun il contact linguistic e la midada da lingua sco er la sociolinguistica. Regularmain porscha el lecziuns da cultura e litteratura rumantscha.

L'Universitad da Geneva porscha dapi 1926 sco suletta la pussaivladad da studegiar rumantsch per franzos.

Actualmain studegia ca. in tozzel studentas e students rumantsch sco rom secundar a Geneva.